

一三四 當體義鈔

問、妙法蓮華經者其體何物乎。答、十界依正即妙法蓮華之當體也。問、若爾者如我等一切衆生妙法全體也可云歟。答、勿論也。經云、所謂諸法乃至本末究竟等云云。妙樂大師云、實相必諸法 諸法必十如 十如必十界 十界必身土云云。天台云、十如十界三千諸法今經正體耳云云。南岳大師云、云何名爲妙法蓮華經。答、妙者衆生妙 故法者

即是衆生法 故云云。又天台釋云、衆生法妙云云。問、一切衆生當體即妙法全體者

地獄乃至九界業因果果皆是妙法體乎。答、法性妙理有染淨二法。染法薰成迷淨法薰成悟。悟即佛界也。迷即衆生也。此迷悟二法雖二 然法性眞如一理也。譬如水精玉向日輪取火 向月輪取水 玉體一 隨緣其功不同也。眞如妙理亦復如是。雖一妙眞如理 遇惡緣成迷 遇善緣成悟。悟即法性也。迷即無明也。譬如人夢見種種善惡業 夢覺後思之 我一心所見夢也。一心法性眞如一理也。夢善惡迷悟無明法性也。如是得意者 捨惡迷無明 善悟法性可爲本也。大圓覺修多羅了義經云、一切諸衆生無始幻無明皆從諸如來圓覺心建立云云。天台大師止觀云、無明癡惑本是法性。

【系年】文永十年(52) 【寫】イ金綱集 7、抄出(善師筆)身延藏 口朝師本 【刊】内 23、遺 1510 縮 988 【註】健 1841 啓 3014 拾 546 扶 1199

①[惡]-⑧ ②[心]-⑧